

國朝詞綜二集

國朝詞綜二集卷四

青浦 王昶 稟

吳翊鳳 十六首

詹肇堂 七首

馮金伯 二首

史善長 四首

施晉 三首

汪大經 一首

王翰青 三首

汪淮 二首

吳寶書 四首

王紹舒 三首

吳翊鳳

字伊仲，吳縣人。諸生。有曼香詞。

玉樓春

空園數日無芳信，側側殘寒猶未定。柳邊絲雨燕歸遲。

花外小樓簾影靜 憑闌漸覺春光暝
悵望碧天帆去盡 滿堤芳草不成歸斜日畫橋烟水冷

齊天樂

蘋花不暖鶯鶯夢江南
幾番秋雨鬪草人歸辭巢燕去
冷落瓊窓朱戶天涯倦旅算第一關心故園樽俎幾處
殘颺淒涼慣逐夢魂去 杜郎愁思多少新霜看乍染
雙鬢如許望裏斜陽烟靉數點縹渺碧雲何處離情待
訴向暖翠簾陰靜調鸚鵡甚日歸來夜深聽俊語

高陽臺

疁城王介翁以明經試吏不得志歸年冉冉老矣營菟裘於石湖之濱將移家終焉今春復有錢江之行余餞之郊外酒半索余度曲爲賦此解

帽影欹花鞭絲拂柳離懷况是殘春燕子入家斜陽却照閑門茸草亂草和烟翠浸涼波一片愁痕又黃昏畫角春城吹冷香塵憑君莫上長橋望有湖光戀影冷翠留人彈指東風十年寥落吟魂暮潮一舸松陵路聽簫聲飛度寒雲客愁新數點殘紅飄落金樽

瑤花翠鴛堂桃樹一株鮮麗可愛年時載酒作洗花之宴忽忽不知其樂也步屢重來春風非昔感而成此

疎花散霧小雨收燈過禁城寒食尋春歸晚誰念我重上吹香巷陌年芳輕別早夢斷謝橋春色但盼到垂柳陰中一片池塘自碧玉笙聲裏殘寒想燕子歸來東

風猶識彩雲飛過斜陽外閒却紅闌幾尺苔陰小立試重問玉鉢遺迹算惟有冷月籠烟照我夜分吹笛

桂枝香

石箇有楚南之游蠡艇歌此調送之邀余同作時壬辰十一月五日也

蘋香吹晚送兩漿寒潮去程同遠多少江南舊恨客懷難遣夜涼歸夢隨波濶問幽閨淚痕深淺微霜影裏燭寒香細乍聞秋雁念自昔紅亭翠館歎十載盟鷗頓成飛散數遍亂山荒驛甚時重見小園此後多風雪怕黃昏畫角吹怨相思空記寒梅一樹和香同剪

曲游春

憶西山梅賦此爲賛漁嘯山間

花冷春江夜記短篷孤悄同載吳雪十載吟情有相思

都在江南江北幽夢迷寒碧想兩捲東風能識甚夜深
幾點疎香吹動半簾明月 消歇何郎詞筆漸霜消苦
陰難問蹤跡流水孤村算淡妝人去與誰攀摘十里寒
雲色似待我山樓橫笛只怕水驛烟深甚時去得

倦尋芳

碧雲向晚倚遍危欄誰伴孤寂側側寒輕可惜謝池春
色涼雨乍催花事去東風只有重簾隔料閒愁有畫梁
雙燕似還相識 記那日蘿蕪小院羅幙香中歌扇輕
拍露淺花深相對細傾春碧縹緲驚鴻何處所夜寒空
照西樓月恁相思對清燈又成淒絕

徵招

抱珠水榭中自主人去後蹤跡久稀今春再過其地閑花半落幽禽自鳴惜春色之將闌嗟倦游以何日撫時念遠爲賦此詞浣花翁深有感於天寒翠袖也

梨花影落斜陽外池塘一痕新暮春色雨中過問別來曾幾盟鷗無伴侶漫贏得一襟離思夕照門門暮雲深院角聲吹起流水謝橋灣垂楊畔當年畫樓何似燕子得泥歸甚重門深閉鎖窗燈影裏有誰識夜涼情味待歸也賦盡相思月明千里

長亭怨慢

不遇楓香館調此詞示之

經幾度畫簷疎雨柳下人家燕巢先冷淵絕琴絲落紅庭院晚風勁倦懷誰省知消減看花心性夢遶屏山又

早被簫聲吹醒 人靜向苔陰小立試把玉鉶重問柔
情未定誰扶上江南烟艇想當初羅轎侵階有幾處霧
深花暝到人去庭空一片露華涼浸

滿庭芳

花氣浮春鶯聲醉曉芳隄最是新晴畫船雙槳天氣近
清明燕蹴飛花紅雨東風急吹過高城斜陽外舊游何
處隔巷喚春餠 生平消受處夢餘斜月醉後華燈有
粉柔香密細與閒評十載雅歡都廢朱樓在重到須驚
銷魂處澹烟細雨贏得暮愁生

春從天上來

答陶靜蘅見懷之作

白鼻騎駒記鞭絲徐拂帽影微斜十二橋邊夕陽小閣
花外盡掩紋紗眼底綿綿舊恨盡付與數點歸雅最堪
嗟是潮生月落撥送年華天涯庾郎蕭瑟那更驄宵
來隔院琵琶人去孤山鶴歸甚處依然春到梅花夜屏
待和紅牋句如鉤月飛挂簷牙夢魂賒間舊時鶯燕幾
處人家

月華清

落梅

檐隙捎風徑參籠霧小窗誰伴幽獨暮雀飛來踏碎一
林寒玉忍更繞漠漠苔階但冷翳紛紛殘釅樓角有夜
帳清燈苦吟人宿休更亂吹羌笛早野水孤村霏霏

都落縞鶴空歸一片蘚痕迷綠憑楚些招得冰魂怕夢
斷月斜荒屋橫幅倩徐熙妙筆傍他修竹

淒涼犯

牙彊有坤寧宮提鈴癸第二八字案陳棕
天啟宮詞注宮人有罪罰提鈴唱夜自乾

清宮門至日精門月華門仍還乾清門而
止徐行正步高唱天下太平四字聲緩而
長與鈴聲相應雖風雨不敢避此驅其遺
物也三十年前嘗見于鄭于谷大組珠堂
索賦詩未果因補綴此詞

宵深和淚郎當韻淒清更雜風雨沈沈永巷迢迢長夜
纖纖微步恁般哀楚比蜀棧啼鵠又苦五雲中銅壺徐
滴兀未歇歌舞規樣牙彊在癸二分明問誰約取太
平四字曳春絲曼聲如許舊物空留弔芳草宮斜甚遠

是曾親玉指恨血帶幾縷

法曲獻仙音

鮑君以文賦夕陽詩甚工余嘗和之
意有未盡復填此詞

難繫長繩亂催清角紗窓一霎紅淺遠水浮光落霞成
綺明到荻蘆江岸正返照柁樓赤菱歌欲淒斷漫依
蹠問東風幾番紅翠又巷冷烏衣舊家池館一片古今
愁但寒烟廢綠空晚不忍登樓恁蕭瑟偏引望眼對千
山黃葉歷歷斷鴻聲遠

賈耽塘

題葉遜庵桐陰書屋圖遜庵嘗著同字異
韻次

覆幽齋清陰如許銀牀聽徧秋雨舊家巖壑疑圖畫最
好玉山深處編韻府尙磨曆喻槩重續閒居賦扁舟容

與又北渡津門南浮湘浦拋了故園去
憑空蒙素譜出
騷人庭宇碧雲葉葉遮戶鄉心一樣難消卻我亦天涯
倦旅胥水渡怕鶴怨猿驚松鞠都非故五湖歸路倘同
挂雲帆閒階埽葉遲我坐題句

鳳凰臺上憶吹簫

題柳蘿蕪小像

紅豆無花白楊作柱燕歸難認華堂看麻姑雙鬢都已
成霜莫說南朝家令天邊月闕盡滄桑傷心是草荒半
野堂名衣疊空廂淒涼墜樓遺恨贖圖畫春風首識紅
妝問琴河一曲何處鴛鴦只有絲絲殘柳蕭疏影淺蘸
波光與綃點宵來漫熏沈水濃香

詹肇堂

字石琴儀徵人乾隆五十七年舉人有嫋雅山房詞

長亭怨慢

春色

看都是啼痕和雨怨碧萋萋染成南浦嫩借波光暖烟
高下畫橋路一鞭斜照偏引入長亭去不爲惹離愁定
不會芊綿如許游女認羅帽彷彿拾翠幾回爭妬綠
意攬紅忽風糝落英無數帳香冢一片青青寫難盡芳
心千古又暗逐吟魂偷暎謝池新句

探芳信

丙午春日過東城汪氏園林追憶丁亥夏
日與沈椒園先生游卓少明府鷓鴣詠于此

今二十年矣椒園先生已歸道山卓少明
府尙官粵西存歿聚散之感黯然于懷因
歌此曲卽用張玉田西湖春感韵于懷

謙清晝共雍尊聽鶯荷箭勸酒照半池春深重來鬢非
舊白楊已老尚書墓不見東陽瘦倚闌干絮臂絲草
纏鶯鶯光景廿年驟有仙吏飛鳬鳥蠻山岫廳事俄
詩還憶昔遊否桄榔月黑鵠啼苦萬里休回首記分襟
只有當時岸柳

清平樂秦淮後遊

簾波織雨窓對相思樹行徧水廊無覓處一片嬌雲吹
去青鸞信杳經年紅牆隔斷飛仙只有紗籠蠻蠟當
時曾照雙眼

東風第一枝桃花

盤粥凝酥香牋寫豔染成無此顏色綺窓昨夜東風露
井絳葩乍坼河豚欲上正竹外春光搖碧記柳陰駐馬
平橋一片夕陽紅濕看繡野暖烟欲滴還點草亂英
如積妬他杏雨梨雲愁煞兔葵燕麥劉郎老矣怕相對
鬢絲添白更難尋半面朱門鳳子春來猶識

摸魚子

江吟香暫歸新安由金闕取道武林訂予
同爲吳越之遊以事羈不果往別後悵然

賦此解寄之

讓君家賦才清絕消魂繪出南浦去程暗逐春爭速花
信更番同數同望處認軟綠模糊一片江南雨吟筇遍
佳愛芳草吳宮修蛾越嶠寫藍入勝素平生事五角

六張乖忤清遊也被天妬山中不少烟霞伴欠個舊盟
鷗鷺分去住只酒畔燈前一樣離懷苦桐陰換暑有春

水詞人小山阿點相待宴重五

臺城路

蓼花

烏篷南浦夷猶處依依幾叢疎蓼折葦枝邊圓荷影外
誰遣冷紅吹到西風嫋嫋共釣線悠揚雨餘低裊弱不禁秋涼煙一穗弄殘照前溪夜來漲了驗潮痕上下
沙際初曉蟹火微明魚牀半露野水荒灣人悄西風吹老剩蕭瑟江潭舊愁多少添個龜翁晚汀相配好

疎影

燕影

烏衣舊侶逐暖風下上疑蛻仙羽社雨剛晴欲住還飛
兩點春雲來去箇人庭院曾凝盼乍閃碎一簾晴絮指
巢痕落月空梁依約并刀微露何處朦朧不辨濃陰
深幕暗惟聽交語誰寫雙身鎮日相隨偏傍謝娘腮戶
那回偷照池塘碧認彷彿漢宮眉嫵最依依巷陌淒涼
幾度夕陽今古

馮金伯

字墨香南匯人貢生官句
容縣訓導有南村詞略

西江月

渡江舟中口占

萍梗飄浮處處荒洲斷浦年年西風吹送渡江船黯淡
晨霜撲面戴得白雲歸去不愁雪浪喧聞遠身瓶鉢

自悠然回首孤山一點

孤山在靖江東門外

壺中天

陳雲村朱梅堂張繡堂約至花韵軒看菊未果

高陽酒侶約賽裳同到籬邊小住日日顚風當斷渡空有夢魂來去宿雨檐低留雲屏暗絕少看花趣花應笑我爲誰憔悴如許還向竹塢桐陰安排茶竈三徑時延佇昨夜鄰家機杵急錯認數聲柔櫓一室秋英滿庭涼月伴我懷人苦何堪更聽孤鴻嘹唳烟渚

史善長

字誦芬號赤霞吳江人諸生有翡翠梁詞

蝶戀花

湖外新晴湖上雨烟柳霏霏遮斷春城路妖紫嫣紅花

事暮忽教吹盡閒風絮。睡鴨爐薰沉蕙炷。倦客孤舟
好夢渾無據。第四橋邊雙燕語。那人曾共吹簫處。

茶瓶兒得家書

塞上寒多。運雁信秋漸老。南雲飛盡誰與傳。方寸茜紅
斜壓玉手團香印。身在曾穿鵝鶴陣。勞粉淚臨風偷
搵歸計。知難準小樓鬪角綠。損春風鬟。

洞仙歌西安送春

曉鶯恰恰任枝頭。啼徧難向風前喚。春轉又曲江江上。
一片飛花花笑我。也怨天涯歸晚。倚樓人望遠。幾許
柔腸。悄拍闌干有誰見。綠到柳千絲。錯怪東風誤。好約

玉驄嘶倦想書劖輕裝未應遲只負了將雛舊時巢燕

蝶戀花 珠街鎮舟夜有感寄述庵先生滇南

淺卻吟蓬煙際宿慣逐羣鷗不管溪南北岸外波搖新
雨綠羅衾半展燈垂粟 謝客閒情耽水竹間訊春風
天未人如玉舊燕空來簾未軸啞泥只願巢君屋

施

晉字錫蕃無錫人

諸生有雪帆詞

鵲橋仙

圓冰對罷真珠捲却纖手金猊初炷柳芽剛吐一些些
正春在櫻桃開處 催花風信養雲天氣雨色已濃如
許路長多分濕春衣又何苦匆匆歸去

踏莎行

蝶因眠花鶯嬌坐樹東風簾外消魂處閒看淡影過秋
千日長深院園飛絮 榴展水紋屏圍翠羽爐烟裊盡
沈檀炷樹頭一抹斂微雲明蟾逗破黃昏雨

解佩令

宴袖石山房

海棠開罷牡丹殘了又一年花事匆匆盡悶坐慵眠鎖
長日閒愁閒恨更休看鏡中雙鬢 酒論清濁雨聯今
舊敝華筵月窺人近杜牧疎狂只少兩行紅粉醉深宵
且教隨分

汪大經

字書年秀水人諸生

解佩令 題遼春詞

裁雲妙手嘲風秀口便屯田見應低首一縷柔絲把粒
粒明珠穿就未開函墨光先透 歌翻紅袖醉拋红豆
付旗亭紅牙點後不是多情怎吟得者般清瘦想籌燈
夜深挑又

王翰青

字鄂舟德清人
諸生有東游草

憶少年

一江離恨一襟寒色一船歸夢尋鱸了無涉被秋風吹
動 月子彎彎弦半控破黃昏笛聲三弄紅樓已天末
只青山相送

南柯子 舊雨軒夜坐

老屋三重掩殘燈一再挑攤書那許酒樽澆伴我蛩聲
唧唧夜迢迢 摘曉風偏厲驚寒雨最豪旅人無奈意
蕭騷不爲石欄干畔有芭蕉

南鄉子 雨夜思歸

衣瘦怯秋寒蕙鼎香消夜漸闌點點畫簷聲滴碎無眠
靜聽蟲聲和雨喧 借榻儘蕭然未敢將愁上錦箋疑
怪一絳歸雁早秋先客更思歸在雁前

汪淮

字小海桐
鄉人貢生

蝶戀花 舟夜

堤柳無端千萬縷酒盡燈昏不解愁來處柔櫓似憐無
意緒咿啞伴我煙中語雙鬢漸非人已去夢比寒流
徧繞門邊樹縱得相逢那可據短篷況是瀟瀟雨

踏莎行

秋夜

夢短無憑燈昏猶耿耿綠階卷盡梧桐影魚書目斷況經
年雙螢空點書幃冷蘿翠難消煙痕漸暝枕邊只有
涼蟾並纖纖長作畫眉看忍教一半秋衾臘

吳寶書

字松崖無錫人諸生有桐華樓詞

更漏子

嫩寒添香霧軟分付畫簾休捲花漠漠柳陰陰夜長孤

繡衾 憐瘦影慵開鏡 又是去年春
病睡未足酒初醒
黃鸝一兩聲

浣溪沙

對鏡何心理翠鈿粉柔香軟只貪眠金鑪裏出並頭烟
飄盡柳綿人似夢燒殘銀燭夜如年小樓閒過杏花

天

臨江仙

罷整翠鬟眉暗鎖昨宵好夢無因緣愈絲雨細千塵
泥燕子飛破一簾春洞口細桃開偏了落紅偷染羅巾
一番花事損芳魂向花伍語應識去年人

虞美人

雙鬟又報梨花謝清夢闌珊也思量無計可留春
檢取折枝新樣畫羅裙 分明咫尺蓬山路潛把歸期數
背人今夜理相思翻得浣花箋上舊題詞

王紹舒

字作明青浦人諸有澑園詞鈔

釣船笛

題陳寅齋春江獨釣圖

舴艋慣煙波一任浪中欹側向晚江天雲淡又露花如
滴 蕉衫青笠墮微茫月影水光白會得持竿幽意愛
綠陰沉碧

憶秦娥

魚書錯芸窓夜午垂簾幕垂簾幕幾番疏雨幾聲殘角
鶯湖不管人離索年年孤負傷心約傷心約盈盈秋
水重重香閣

埽花游

山窻埽葉圖爲繹如弟作

小亭岑寂看脫葉輕翻疎枝斜墮倦懷難賦但匆匆贏
得落花無數尊酒論文休負新涼院宇試凝佇喜一點
桂香猶在高樹 雪葭深幾許正巒光杳渺懷人愁緒
埽除閒步伴飛鴻清唳砌蛩私語欲訴相思偏值濛濛
細雨聽淒楚看紛飛又催秋暮

國朝詞綜二集卷五

青浦 王昶 纂

凌廷堪 十九首

孫爾準 八首

徐雲路 六首

李方湛 五首

鮑 份 四首

孫源湘 六首

凌廷堪

字次仲歙縣人乾隆五十八年進士官寧國府教授有梅邊吹笛譜

齊天樂

同章酌亭夜話

夕嵐遙送芙蓉影濛濛翠生庭宇慘玉成羹調雲作液
不放吟秋人去清尊論古恰纔說英雄又憐兒女瘦月
窺窗綺牋商略舊時句微吟將斷復續隔牆誰弄笛

驚起離緒碧草難銷紅芳易感那得年年長聚相思最
苦便龍腦香殘未妨重炷莫忘今宵翦燈同笑語

又寄吳松崖

海天寒逼雙峰晚離愁頓生如許越劍龍吟吳綿鶗縮
落葉爭鳴高樹尋春舊侶正叢桂吟成小山羈旅渺渺
魚波數聲新雁向南去回思胸前握別片帆初挂後
驪唱何遽日澹前山雲疎遠岸月斷蘋花深處關河間
阻算唯有長宵夢魂能度倦隱烏皮怕聽秋夜雨

聲聲慢

懷酌亭

挾花做粉搓柳成綿青陽老去無痕靜啟文窗試看多

少銷魂東風撲簾幾陣把相思吹得紛紛無聊極算懷人念遠不爲驚春 尚記秋來逸興儘衝泥載酒曾到孤村細酌檐花聽雨同掩柴門如今舊游在否漫回頭無限春雲知何日踏漁舟重訪故人

隔浦蓮近拍

秋夜

流紅江上去遠撚指成秋苑入夜都無緒疎螢輕撲羅扇河漢清且淺難消遣脈脈黃姑怨 夢中戀生衣乍試猶憐纖手裁剪凝香舊路幾度背人尋徧誰爲含愁獨不見應羨樓頭珠箔初捲

一萼紅

九月登魏文帝賦詩臺用石帚人日登定王臺韻

晚雲陰趁重陽載酒誰把菊花簪高岫迷煙空江卷雪
臺上無限銷沉問千古英雄不見只見有高下暮天禽
幾度悲歌一聲長嘯如此登臨當日氣吞吳會記橫
江駐馬不盡雄心荒草霸碑殘苔蝕砌定誰遺蹟重尋
漸蕭瑟西風乍起遠林外黃葉亂堆金且酌茱萸倚欄
莫厭杯深

瑞鶴仙 秋草

一番秋雨後便覺得晨隄微黃都透王孫漸消瘦更清
霜凝野馬蹄初驟荒城廢堠似無數淒涼趨就接斜陽
幾點寒鴉又是別離時候知否碧銷南浦芳歇西洲

可能如舊春歸未久凝眸處漫回首蹴香塵記得銅車
陌上研破層層軟繡到如今總變消魂共誰載酒

疎影新綠和竹樓

年芳去疾賸遠林幾疊空翠如織掩映疏煙遮斷孤村
欲其前峯爭色蒙茸染得嬌如許悄莫道東風無力怕
夜來冷月橫窓碎影亂侵簾隙那更連朝暗雨望中
但一片春已狼籍寂寂橋頭漠漠牆腰一縷斜陽猶濕
濃陰半壓生衣重甚滿地寒雲流碧想玉人此際憑欄

尚把斷紅潛覓

高陽臺

庚子清明日同方竹樓趙蓬韶覽庵諸君飲郎鉏月賦西園亭

社鼓調鶯鶯簫警燕清明人在天涯賴有吟明尋芳約
到山家春痕幾日無消息伴小紅潛上桃花透柴扉一
縷新煙應是烹茶相逢競道郊原好有爭馳繡鞋疾
走鉅車十丈香塵愔愔吹滿晴沙何如小坐維摩室引
翠尊同酌流霞醉歸來微墊烏巾雨細風斜是日將歸遇雨

三姝媚

舊與程時齋章酌亭譜有南北諸散曲而時齋一斛珠傳奇尤擅場庚子白沙席上聞歌感流水空彈悵小紅難覩製此以贈歌者京江水滑之辭不僅爲秋娘發也

花深春夜煖步香階盈盈靚妝初換秀靨依然想那回
曾遇寶釵樓畔扇底傳情已拚却瑤臺音斷豈意芳筵
紅袖低垂翠尊重欵我有文窓歌伴記雨外燈前研

紅箋亂俊譜新聲笑近來零落錦囊塵滿若解相思試
檢與低吹瓊管莫惜銅壺頻擊行雲正緩

摸魚兒

雨後江上晚眺

暮天空乍收涼雨隔江飛過清冷烟鬟綽約山容潔掃
得兩蛾幽靚無限景縱情取鏤冰琢雪應難詠斜陽未
暝見別浦殘荷迴汀折蓼都作淡紅影江光遠颺起
輓紋萬頃微風恰好初定盈盈十五吳娃小笑與碧波
相映嬌妬性有意要驚他沙上鶯鶯醒翠裙半整便急
打蘭橈空明擊碎搖過采菱艇

月下笛

周清真小雨收塵一調題曰月下笛而與白石玉田諸作迴異今細較之卽瑣窗寒

唯換頭處少一字耳片玉集中暗柳啼雅
詞可按也疑是瑣窗寒別名非月下笛本
調既用之以賦落梅復附鄙見於此俟知
音辨焉

徑貼遺鉛苦沾墜粉一春淒切羅浮夢轉翠羽聲聲啼
微惜殘英空復戀枝曉風幾陣吹作雪便湘簾不捲文
窓虛對舊時明月樓頭若箇尚裊裊臨風玉龍吹裂
如綿細語記得芳時同折悵春衫猶染暗香玉人已是
經歲別繫相思繞徧疏籬萬匝誰共說

夢芙蓉

此吳夢窗題趙昌所畫芙蓉自度曲也調極幽咽竹垞換韻嘗用之而萬氏詞律失載已亥九月真州江上見紅葉遂以此調

譜焉

又看秋荏苒望楓林濃處錦屏爭艷遙山弄碧青文黛

蛾歛淡妝應久厭紺裙紅袖新染馭靄驂霞漸珊瑚欲
下旋被絳雲掩 波定江光澈灔幾許秋容穩把嬌春
占渾疑畫裏疎處露茅店亂鴉千萬點夕陽天外遙閃
屬付西風擬乘流寫怨須向綺窗颺

八歸秋柳

疎枝漏月空條含雨江上又早秋色長汀寂寞誰相伴
惟有蓼花初紫荻花全白澹影依然搖曳處竟未許鶯
兒藏得任滿目細草輕波總不是嬌碧 猶有騎人載
酒停橈相傍似把春光重覓瘦梅纖骨小桃香曠問爾
應知消息見宮腰似妬脈脈無言向人立休生恨可能

禁否幾陣西風寒林同瑟瑟

惜餘春慢

落花

錦障圍春繡鈴驚曉無限劇憐深讓禁風欲笑受露還
慵恰恰翠嬌紅嫵爭信啼鵠數聲下得無情送教歸去
念芳心一點也知相戀奈難爲主凝望眼隻雁何來
雙魚空托撲簌一簾愁雨衣沾臘粉袖染殘香總是繫
人心處莫向東風斷腸落葉陰陰低回無語擬春來重
訪穠華仍在彩鸞休誤

高陽臺

題趙渭川梅夢圖

綠鳳扶春青禽侍夜纖塵不到空山縞袂凌風翩然飛

下雲端銖衣雅稱羅浮蝶踏彩霞羞控雙鸞夢中看小立亭亭小步珊珊依稀記得龍城事問尋春夢約猶在人間淺笑深顰一枝嬌墮烟鬟披圖欲共低低語早數聲清角吹寒夜將闌怕露淒清怕月迷漫

霜天曉角

丙午六月二日晚涼偕張鄂樓牛次原閒步陶然亭遇雨

暮天岑寂遠岫涼烟暮曲榭凭欄閒話聽細雨響蘆荻漸瀝池上滴芙蓉舒紫菂觸起故山情思風柳外數

聲笛

齊天樂

呂大叔訥以簾鈎詩見示謗此和之

瘦瓊寒壓犀紋亂重重翠陰齊上銀蒜低垂金莖倒挂

都似宮眉新樣香階畫爽恰分取湘江幾層煙浪午夢驚回向風偷學佩環響離離花影未滿却寒輕揭起

纖手初放繡戶看春紅樓望遠巧與鸞釵相傍晴窗靜
敞愛冒住游絲淺飄珠幌不礙紅襟拂花來又往

湘月

宜興萬氏專以四聲論詞畏其嚴者多詆之瀘州先著尤甚以爲宋誠宮調別有秘傳不在乎四聲按白石集滿江紅云末句無心撲

歌者將心字融入去聲方諳徵招云正宮齊天樂慢前兩拍是徵調故足成之及考徵招

天樂慢前二句平仄與齊天樂融合然則宋人未嘗不以四聲定宮調而萬氏之說初不與古冥也余恒謂推步必驗諸天行律呂必驗諸人聲淺求之樵歌牧唱亦有律呂若舍人聲而別尋所謂宮調者則雖美言可市終成郢書燕說而已今秋舟過荆溪感而賦此以酬紅友卽白石所云念奴嬌鬲指聲也

小舟盪月正蓬窗眺遠涼夜支枕罨畫溪光望不盡首
頃紅鷗波浸斷渚拖烟高城攔雨秋意蕭疏甚樓臺明
滅數株楊柳低蔭空想堆絮園中停尊按拍製新詞
如錦律比申商科後世應有知音題品花外簾空山中
雲杳宮調無人審臨風歌罷扣舷聊佐清飲

摸魚兒

梨花

撲簾櫳一天香雪何人輕翦瓊片當窗幾樹垂垂發花
裏有人開宴春不淺愛玉樹臨風人與花難辨閒情自
遣趁苔徑無塵粉牆有月席地布芳薦重門閉又聽
新鶯乍囀無端添起春怨依稀記得前游處樓上半窺

嬌面人漸遠悄不覺年年怕共春相見魚牋靜展待調

露研辭焚香琢句訴與杏梁燕

孫爾準

字平叔金匱人乾隆六年舉人有離雲詞

六

齊天樂

答許周生雨中見憶詞

午眠未熟桃笙膩苔痕潤流方礎柳色沉烟荷聲喧睡
愁到水雲深處新涼入戶憶舊日天涯同袍儔侶五葉
旛風菩提其聽戒壇樹傳來魚訊驟喜說扁舟計就
盟向鷗鷺販橘風香采蓴月白好趁三衢歸路紫茄綠
芋已種向階前待君同住聽取西牕翦燈深夜語

乙 竹簾

湘雲擘盡絲絲雨烟痕未消輕翠疎簾敲禁隱囊臨畫
垂在綠陰陰地愁人無計是隔戶相逢怎生迴避深院
愔愔爐香鎮日裊心字黃昏替垂銀蒜待玲瓏涵月
便貯秋意河影斜捎夜涼微度夢繞一泓烟水墮釵響
裏又未了梳頭喚人鈎起生怕歸來悞他雙燕子

疎影 蜘絲

清晨小院向交枝逕裏一絲迎面落絮飛花粘住春痕
乍放巧思如綫雲英細綴珠千顆錯認作絲囊一片只
薰昏蝙蝠飛來怕惹玉絲輕翦最是蠻兒網住還疑
是舊夢仙囊餘繭拜月香階小逗芳心潛把釵梁低眉

幾回映月尋秋影却苔逕纖痕難見悄花閒小撲流螢

又滿畫羅圓扇

遇陂塘

萍

柳綿飛無端夜雨東風重幻身世趨趨遮徧樓臺影春
色三分餘幾并翦利也未許裁開一幅青羅膩輕勻圓
細只鴨浴輕翻魚吹偏活占了芰荷地過上已定有
湔裳人至青銅難寫蛾翠釣絲乍拂輕痕破恰有遙山
螺髻滄海裏想慕地相逢悟徹浮生意天涯情味怕蕩
子難歸愁人欲別點點是清淚

瑞華

夜雨

低雲弄晚暗雨催秋早重門先閉庭梧牕竹千萬點總
在離人心裏香銷被冷捱不了淒涼情味料个宵夢也
難圓且與覓衣重起想伊背著燈兒便卸了雲鬟應
也難睡相思兩地不成是便算一番良會簷聲縱急怎
抵得愁人清淚一任他滴到天明拚著爲伊憔悴

齊天樂 荷葉

翠觚卷得人間暑金塘展來潛暖宿鷺搖香老魚吹影
相閒紅雲零亂歌聲漸斷照螢火星星碧光寒燄儘勝
銅盤夜深千點露華泣最苦跳珠急雨近曲闌深處
鷗夢難遙十字低垂丁轂橫倒畫出雪波秋晚西風一

又添了新紅半湖菱芡臘與漁家和香包冷飯

二郎神

豆棚

枳籬櫈柱儘省却牽蘿重補早檐底流雲梧邊分雨別
有清陰爾許手把團蕉閑商略漫憶著南山詩句看一
角青天斜陽收了斷霞催暮消暑白花綻後芳薈堪
煮恰素手勺陰金刀剪翠尋到螳螂挂處邀取隣翁夜
涼排坐閑話胸中今古人靜後付與秋蟲細說一庭清

露

霜葉飛

竹素園在城內西偏馮僉事夔徵歌地也秀石崇臺清歛妙舞爲一時之冠滄桑既

易遺址空存唯清沼一泓雲根數片而已暖日與明叔晴芬偶過其地感慨係之各

賦一解

一灣殘沼採藍裏當年娥翠頻照扇天砌地洞房深鎖
夢鴛鴦小儘凭醉偎香趁笑清歌不放行雲曉想舞霓裳
倦後錦石花邊醉中曾倚娟妙 轉眼梓澤銅臺斷腸
一例俊游回首如掃重來燕子已難尋只有春知道
送幾度斜陽又老野花一片都開了任步屢閑來畫出
蒼涼頓繁懷抱

徐雲路

字起萬崑山人諸生有淪雪山房詞草

摸魚子

題述庵先生三泖漁莊圖

漲吳淞渺然煙水九峯螺黛遙映鴨欄蟹簖鷺鷺浦一

曲鏡湖栖影移釣艇便不爲鱸魚也有秋風興滄波夢
冷臘綠箬青蓑白蘋紅蓼閒福更支領憑誰問多少
雲臺晝省盟寒鷗鷺難信瀘江洱海看來慣只是浮家
安穩疏懶稱且典却朝衫換得村醪飲斜陽晚景譜水
調清歌鳴榔擊楫逆響四山應

天香 蘆簾

細翦霜梢勻編露葦斜陽一片遙映密密疏疏蕭蕭瑟
瑟幾織秋汀煙暝吹殘雪絮便留護窓櫺風緊遙指茆
檣低挂依約箇人棲隱賓鴻者回猶認颺微波酒空
斜並漫數銀鈎玉押料伊無分回首江湖夢冷臘明月

輕飭漾寒影窄地常垂飄飄晚景

一萼紅

秋花

舊園林自茶蘼開後寂寞到如今瘦葉扶來殘籬映處
誰與滴粉描金已分得芳華遲暮待含香一點吐秋心
色借蕭寒韻添艷冶未了清吟誰共開尊勝賞賸蕭
疏潘鬢憐取還簪倦蝶魂迷冷峰意懶無聊還更閒等
料此後霜嚴雪冷折殘英權當一枝春試問年時鶯燕
何處飄零

瑞鶴仙

題琴德居

幽居消晝永正銀鵠香微石牀苔潤愔愔理瑤軫乍水

流山遠渺然人境鸞坡晝省又卅載桐枯薦冷任蕭然
鶴守柴關閒煞碧蘿幽徑重問溪莊樹老斗室簾疏
舊時栖隱松風入聽渾一曲歸雲引伴蘆笙漁笛停音
流響彈到圓鷗夢醒借冰絃寫出初心天空籟靜

綠意

新竹

碧雲滿徑乍飄來錦緡修篁初引風裏疏疏雨洗娟娟
數竿香色含嫩參差待作青鸞舞漸褪了一痕新粉又
梢煙低拂簾波罨畫綠窓閒靚纔放簫管幾箇玲瓏
蒼玉碎湘簾紋映欲做輕陰早媚澄蓮向晚栖禽未穩
從教芟却枝繁密聽徐憂琅玕幽韻等他時翠袖天寒

扶住箇人清影

瑤華慢題銀藤花館填詞圖

濃春如晝乍引青藤壓架霏瓊屑玲瓏密綴渾又是小
院牽蘿時節生香不斷但聞裊檐牙簾押消幾番刻楮
抽毫影颺一庭銀月遶欄接拍微吟訝低眉春衫飄
墮晴雪題衿雜坐還勝似秋老豆棚花葉待倩他絡住
閒愁莫惹情絲千結

李方湛

字光甫仁和人
諸生有紅杏詞

齊天樂

秋蟬

一天秋思來何處淒淒夕陽西畔夢醒槐宮魂銷柳鐸

碧樹無情誰管移枝意嬾悵鬢影蕭疎琴絲零亂幾度
沉吟歲華容易暗中換 風前嗚咽似說有征蹄得得
山遠人遠冷抱霜柯寒栖病葉同是天涯悽惋迴腸欲
斷況疎雨無聊苦添哀怨喚起秋聲此時誰聽慣

又

雁

燕歸換得哀鴻到聲聲訴他憔悴飛斷湘雲叫殘塞月
蹤跡年年孤寄寒蘆敗葦怪影落圓沙極天煙水倦羽
纔停數聲漁唱又驚起 相思苦難說似但長空宛轉
書箇人字旅館燈昏寒闌漏永同是夢魂千里飄零身
世任石闌嘗銜那能無淚倚徧江樓玉筆愁再望

惜分飛

繡閣妝殘春睡醒庭外酸風正繁紅雨吹成陣
掃花人到蘿蕪徑無地理愁愁不定轉自憐
花薄命恰倚香鋤等無言立盡斜陽影

珍珠簾白丁香花

繁花一樹清如洗間何由采葉開成丁字一色影玲瓏
映水晶簾底見說同心堪綰結便觸撥愁懷重起須記
記三五銀蟾照人無寐何用暈碧裁紅芳姿淡冶銷
魂如是雞舌醉曾含恨舊情難繼望斷南天芳草遠又
小鳥相思飛墜憔悴看點點梨雲化成鎔淚

唐多令

七月十四夜

人遙畫闌前樓開碧漢邊曲屏山倚遍無眠曾記垂虹
橋外過問小字認神仙釵采插來偏琴徵數更全似
穿針重凭香肩明月妬人應有恨恨尙欠一分闊

鮑

份

字叔治昭文人諱
生有未學堂詞

蝶戀花

甲辰春日對雨遣興

樓上簾垂簾外雨一碧深深春在庭前樹燕子只依舊
屋語舊泥銜向新巢去滿眼梨華誰作主撲燈霧
留得情如許幾日柳綿應學舞大隄芳草吹何處

又

雨雨風風春已半。因甚天涯消息和雲斷。最是繁枝全
不管。綠陰又向東樓畔。樓上簾垂垂未卷。一任鴉鳩
簾外將愁喚。只道微吟今漸倦。春光更比吟情短。

大江東去

八月十六夜舟發金陵至江口

綠蘆才長映一天涼月。雲衣輕護千里江潮猶未落。容
我扁舟徑渡風拍船頭沙回岸嘴聲入雙枝櫓兩三四
點星光看上無數。便是東晉風流南朝人物浪打浮
蘋去冰雪襟懷相照徹。橫槊吟詩何處小綱張魚低橋
喚鴨著得情如許。今番篷背不曾聽到疏雨。

虞美人

堂堂白日拋人去無計相畱住幾宵冷雨幾宵風洗出
一丸寒月墮霜中翠衾寂寢香消炷有夢知何處夢
來休恨太朦朧早是荒雞號斷畫牆東

孫源湘

字子瀟昭文人乾隆六十年舉人有長真閣詞

鳳凰臺上憶吹簫

踐柳含鴉寒塘抱鴈偏憐暮色高樓把闌干拍遍夕照
橫秋古往今來何極湘雲蕩楚水悠悠又何處數聲清
角人在涼州颺颺西風起也吹落葉天涯總在心頭
記曾攜手處萬綠雲流今日畫簾重卷認空枝片月如
鉤還須省箇中情思不是離愁

昭君怨

花裏一絲雲影花外一聲清磬曉露滴衣裳滿身香
折得幽蘭誰贈彈出瑤琴誰聽一蝶繞人飛自依依

醉花陰和竹橋禮部春晴探梅

城頭一片雲猶重春氣人間夢踏濕問梅花竹外枝斜
日暖迎香動巡簷只我和花共影瘦風微弄趁好是
初開莫待重來雪補蒼苔空

小桃紅

白門舟中

又趁西風去衰草連天暮看老江邊幾番斜照南徐北
固只金焦兩點浪花中鎮青青如故垂柳絲千縷似

我曾攀處試挽柔條問他前夢依然無語漸黃昏蘆荻
并江聲作瀟瀟秋雨

瀟瀟雨 秋懷

滿天風雨意一分秋便作一分愁任簾櫳蕩颺湘雲一片不上瓊鉤深院晚涼先到梧葉自颼颼不是斜陽裏也怕登樓休想芙蓉采采料紅衣落盡與水東流剩菰蒲涼夢枕上喚閒鷗約秋江蘆花片月待明朝散髮櫂扁舟惆悵冥冥鴻雁叫過樓頭

甘州 山居

甚仙人削出秀靈瓏不道是人間被千巖萬壑重重鎖

住翠冷蒼寒一種乾坤清氣清極竟忘還太古三元非古
只在深山三十六峯峯缺聽牛空語笑飛落銀灣任
閒雲來去還遙我心閒况西風幾多塵客便夢魂歸不
到煙巒呼明月倒隨天影浸入寒潭

錢枚

字枚叔仁和人嘉慶四年進士官吏部主事有微波亭詞

浪淘沙

香霧濕花枝月上遲遲籠燈說與醉人知酒後須教添
半臂怕有風吹好夢不多時花事迷離春陰閣住海棠絲一陣淒涼心上過獨自尋思

望梅

婁江市上糖梅味極甘脆名風雨梅亡室最善作之今夏有以此梅見寄者感賦此闋

江城夏五正梅肥時候風風雨雨記窗前一樹青青早
分付園丁傾筐摘取親手搓挾更方法從頭說與青錢
細簸白蜜生醃紅蕊封貯先選大錢和梅子簸樣然後漬蜜則色不變而味肥
追思十年前事悵綠么絃斷翠奩香炷又江南節物登
盤間舊時滋味何嘗如許春夢消沈訪嫩綠池塘何處
剝微酸一點常在心頭留住

瑣窗寒

粵中白蘋花大如益何丈春潛自揚州小玲瓏山館携歸賦詞索和

澹影羞烟低枝怯水娉婷如許欲開還未須待日高亭
午慢催他惺忪倦眼曉涼難得芳心吐比蓮花還瘦三
分爭禁一天風露記到茗溪路祇瘦解蘆汀冷鷗菱

浦柳惲工吟潭未見者般風趣羨驅人耐得清愁縮將

一把蠻烟住怕揚州花月繁華合伴半灣枯樹

何丈居
枯樹灣

賣花聲從友人乞秋海棠

微雨暗西樓花事勾留從君分取半庭秋囑付園丁輕
着力牢護根頭 花韻便盈眸無限溫柔問花真箇斷
腸不儂做斷腸人已慣翻替花愁

小重山

題李虎觀那蠻梅染漁隱圖

小築漁莊寄此生溪山隨處好一竿輕乍携橫篷上湘
船先生官永州滄波外吹裂夜山青 展卷最關情自憐人
海夢幾時醒故鄉也有好漁汀西溪路孤負舊鷗盟

國朝詞綜一集卷五

國朝詞綜二集卷六

青浦 王昶

許宗彥

十首

陳文述

一首

史蟠

七首

顧臯

七首

張興鏞

十二首

張

蘊

李福

十一首

禮

三首

許宗彥

字積卿號周生

德清人嘉慶四年進士官兵部主事有華藏室詞二卷

天香

烟草

玉醞靈芽霞含嫩葉相思種就仙草堆繡囊青浮筠笛
紫淺撥獸爐紅小停鍼暗吸看颺出柔情多少閒傍雕

闌芍立濃磨怕被花惱
底事消磨客抱剔蘭釭片雲
低繞算是最繁情緒酒闌人悄半露荑尖小握待遞與
纖纖一枝好背啟櫻脣幾絲翠裯

洞仙歌寄平叔

鷓鴣啼曉又一闌紅雨無可如何花落去下虛庭芍立
送盡征鴻誰會得脈脈此中情緒題襟留墨瀋和遍
蠻箋杳杳郵籤總無據刻意杜司勲傷別傷春定盼殺
江鱗雲羽但看取庭柯變丹黃約一棹江南訪君秋暮

清平樂落梅

冷煙淡碧吹徹江城蓬漠漠蒼苔殘月白夢醒玉人無

跡 情知小別還逢流光忒煞匆匆可奈翠禽枝上聲
聲只怨東風

鷓鴣天

緩踏芳塵碾玉蹄春樓近在大堤西金樽乍遞釵聲細
檀板才拈鬢影低 離太早會嫌遲曲房何日手重攜
相思恰似東風柳一夜搓成千萬絲

臺城路

舟中聽雨

秋陰漸覺炎氛退遙山淡如人意竹外闌干花前簾幙
幾日評量秋思一庭雨細記翦燭同聽吟情清寄漏咽
銅篆翠帷高卷冷于水 而今江上棹艤望高城不見

目極千里碎滴波聲頻催礪響釀做惱人滋味夜深獨
自撲消受淒清欲眠還起冷壓孤篷萬山幽夢裏

又 衢州中秋

黃昏風雨橫空過須臾四垂雲散極浦生烟層霄斂彩
圓月十分剛滿清輝看遍算歲歲今宵幾回曾見最是
秋中冰輪怕向碧天碾平橋人散寂寂舊遊堪憶處
垂楊千點酌酒船頭飄香雲外客意秋光俱遠閑情漸
減又太末城邊縠紋溪畔孤蓬誰家倚闌紅袖淺

江城梅花引

七夕

涼雲幾葉迢迢青露泠泠月泠泠下了瑤墻無語拜雙

星人正不眠更正永碧天遠放秋光到畫屏
畫屏畫屏少年情愁漸生酒漸醒望也望也望不見鵲駕輶輶
惟有一簾花霧散中庭多少世間兒女恨憑訴與有天

孫仔細聽

更漏子

晚過平江

素秋深明月滿舟過香鱸亭畔漁市散暝鴉歸人家掩
竹扉拓筠窓開玉釀斟到杯中月上雲葉澹露華濃
帆飛鏡影中

洞仙歌

瑤臺十二寫遊仙新幢只有星妃恰相稱任千重飛絮

拂柳繁梅吹不上兩頰潮霞初暈 梨花幽夢醒欲理
晨妝生怕窓前曉光映昵枕費尋思簾外愁雲平堆起
年年離恨悵後會無因怨陽春儘悶倚薰籠撥殘紅印

滿江紅客舟

風急天低把一片江關吹暝孤村外參差粉堠望中難
認酒醒依稀殘月岸夢廻埋沒遙山影記年時思共絮
爭飛歸心迥 漫漫去寒塘徑深深積筠蓬頂爲伊盼
斷了故園梅信戍鼓無聲知夜靜峭帆不動和雲冷誤
玉人幾度拂貂茸闌干凭

陳文述

字雲伯錢唐人嘉慶五年舉人

疎影 題花影吹笙圖

苔階露濕正晚簾乍捲庭院清絕悄點羅衣閒理瑤笙
長空片雲明滅南朝玉塞關山遠訴別恨聲聲嗚咽漸
滿身花影玲瓏吹醒一丸涼月猶憶小樓清夜箇儂
在月下鶯管徐歇倚遍闌干翠袖微揜纖手映來如雪
繡囊銀字都零落空夢斷餘音清越料祇應花外銀蟾
照見斷紅雙靨

史 蟠

字伯勤溧陽人嘉慶五年舉人有小蘭烟語

鵲橋仙

莫愁湖

洗空金粉消殘歌舞風月南湖非舊一庭寒綠燕孤飛

問此際莫愁愁否 簇簇覓覓清清冷冷踏遍頽垣荒
甃忽然花送鬱金香定此處盧家堂後

極相思春夜雨

儘他燕掠鶯稍遣不去無聊愁愁病病風風雨雨過了
花朝 驚回一枕江南夢鳴箏碎亂點齊敲也都不管
花開花謝只是瀟瀟

清平樂

雪後晚步

風吹酒醒亂踏寒雲徑雁字一繩殘雪映描澹夕陽紅
影 暮霞樓閣誰家有人偷啟密紗一瓣暗香飛落風
前笑撲梅花

琵琶仙 用白石韻

片月西湖又隨我遠泛寒江一葉蓬背幾點疎香梅花
正清絕算纔被東風喚起山意冷未愁鶼鷀似水芳襟
如烟往事都共伊說漫贏得淺醉閒眼管搖落關河
甚時節笑問錢錢囊底指春來翠莢覓秀句臨風自寫
對一窓山掃晴雪多少掩淚緘愁世間離別

南浦 秋水用玉田韻

夢斷楚江遙恰吹來片片涼雲畫曉疏柳挂眉愁窺霜
鏡幾筆和烟淡掃搖風蕩月蘆荷遠立閒鷗小有客鳴
榔來極浦吟老天涯芳草綠波前渡依然只匆匆似

水流年換了露冷舊紅衣菱塘外可有采香人到斜陽
渺渺愁邊幾葉投波悄欲倩流紅傳恨去一碧天空雁
少

東風第一枝用梅溪韻咏白山茶

夢醒蕉天香闌柏酒花房夜雪初暖葉邊犀甲青迴瓣
上鶴頭朱淺花風兩度剪片片吳羅嬌軟對屏枝小啜
春甌斜蟬玉釵雙燕覓秀句冰蘇硯眼逗俊賞鏡開
池面未輸玉蕊唐昌肯讓瓊花隋苑牆晉月早漸暈淡
斜陽一線到者時誰伴清寒獨向梅邊尋見

水龍吟

白蓮

一湖曉色通明露華千點香吹定最憐伊處潔分雙翦
愁裁幾柄畫裏禪空詩邊秋淡鶯翹無影怕玉纖催漿
和涼折取片雪墜鴛鴦醒 縞夜羅衣自整隔相思遙
烟做暝凝鉛寫素者番心苦微茫暗省有恨凌波無言
立月一絲風冷被霜娥點破平空洗出碧琉璃鏡

顧

臯

字晴芬金匱人嘉慶六年賜進士第一今官修撰有并華詞

邁陂塘偕同年潘輔之汎舟西湖時輔之來杭十日復將爲長興之遊

怪忿忿征驅乍卸吟鞭又落君手紅亭十里鴛鴦浦且
向當舡呼酒春似繡正燕姹鶯嬌做弄愁時候舊愁今
又看一霎尊前幾番花裏人比去年瘦 長安市記過

咬春燕九歸期共趁楊柳江臯茆屋依然在烟水儘容
消受曾未久甚紅燭離絃又過清明後客懷難剖是來
日孤山斷虹斜照兩地黯回首

齊天樂

竹簾

碧雲已斷瀟湘夢空庭尚搖烟水鯰箔珠圓麝煤香爆
誰在幽牕落子靚妝初試記清曉梳頭那番情思背地
相看櫻桃花下隔年事此際沉檀小榭妙鬟風動處
冰縷垂地搭上楊絲拋來蝶影搖漾秦淮秋意六朝丁
字料小玉多情曲欄慵倚慢揭銀鈎夜涼和月睡

又 荷葉

金飈漸轉橫塘路涼簡暗銷殘暑傍影延青搖烟籠暝
水面月華微吐翠零香苦正人倚秋函綠紗窓戶冷接
菰蒲晝橈移入最深處沉吟浣紗舊事悵鴛鴦夢斷
難賦新句載酒船空弄珠人杳零亂半江秋露勻圓攤
破便拗向西風一絲猶舞已是蕭疏更禁喧夜雨

虞美人

爲李湘浦賦

泥銀衫子紅羅扇悄倚雕闌畔晚涼消得藕絲風又看
一彎新月上梧桐多情自是多愁損照水憐清影碧
牀落葉響颼颼可有寄情芳字付東流

念奴嬌

秋闌

井梧槭槭又風廊掩燭蘚庭鋪月絡緯聲中挑錦字怕
對夜牕如雪蘭柚攜香鴛鴦薦暖好景無從覓桂華孤
冷素娥真箇淒絕 繼省昔日尊前對花愁損未是愁
時節謾說春情無着處爭是秋來難說此際天涯多應
風露獨自清宵立霜鴻過盡沉沉千里消息

探春

簡平叔卽送王小蓬南還並示故里諸子

雨堠呼燈烟郵煮雪羈魂尚繞吟侶挾瑟徒工聽謌易
倦贏得別離無據舊古死鶯啼處漸酒熟杏花村路故人
移櫂山邊知繫在楊那樹 京館韶華又暮甚客後春
來比春先去草草相逢悠悠話別添了幾回酸楚江上

看雲出想朋輩尊前同語應有離愁斷牋分付殘羽

鳳凰臺上憶吹簫

席上題淑明女史聽鶯詞集

絳蠟燒筵銀酥點酒雪晴庭院風輕正他鄉歡笑莫動
離情次第梅花春夜清夢斷明月揚箏何堪憶分牋索
譜載檮聽鶯　醺醺待儂醒也按小令么詞唱一聲聲
教故鄉花柳放暖檐楹怕有人騎黃鶴攜此曲飛上瑤
京無端又歸心暗牽淮北山青

女史淮南人

張興鏞

字金冶江南華亭人嘉慶六年舉人有遠春詞二卷

梅子黃時雨

春日用玉田韻

寒入春心只和靖昔年皴玉招隱恣歲歲孤山暢吟霜

影樓外低迷三里霧杏花不管人多病占韶景擬趁莫
潮撐去孤艇愁引仍羈遊興便吳纏水調難入清聰
羨兩兩鶼鶬煙波千頃身似楊花風約住甚時纔得簾
鉤近鐘聲緊滿山上鐙催暝

暗香 梅花用白石暗香疏影二調韻

冷中春色渺瓊樓絕意江城孤笛翠袖倚寒竹外花疎
忍輕摘遙夜幽香細引如憐我窗前拈筆底再問老去
何郎心嬾傍瑤席香國羣籟寂悵遠道信稀脈脈愁
積明珠暗泣延佇江濱迴相憶何處珊瑚獨立斜影裡
冰稜清碧怪隴畔開徧也幾曾寄得

疎影

粧成碎玉愛嬾寒紙帳和影同宿冷態誰溫月底形相
疎簾乍卷湘竹蛾眉澹埽承恩慣那復怨沈香亭北只
朝來雪意清嚴可戀擁鑪人獨莫憶銀屏深處曉妝
正對鏡鬟鬢梳綠待字芳年碧玉雲英自昔甘藏茅屋
一聲翠羽驚殘夢待譜入幾家琴曲更江南花信潛催
預擬寫君千幅

探芳信 寄內

夜何杳正露砌蛩繁風簾篆裏隔一痕銀漢蛾眉淡初
埽青天碧海長生誤枉把元霜擣算年年浪被雙星暗

中偷笑 流影入松篠悵遠館黃昏殘燈紅小愁憶閨
中鴛幙送寒早笛聲一入情人耳便轉相思調我何堪
更對相思籠鳥

邁陂塘

孟夏之月余客桐川浹旬而返嘉禾水宿繁懷酒伴兼憶舊遊叩舷而歌徵成此解

屬程珠川春廬楊文朴和

泛沙棠滿湖煙影濛濛乍弄春曉灣環翠柳蒙茸處中
有飛樓紅小春已老愛魚子初分隔檻堪垂釣舊遊憶
到恰載酒人來采菱歌近殘日一停棹離愁攬春偶
匆匆別了輕衾孤宿江杪荒雞茅店頻催夢沙岸更
啼鳥波渺渺奈帆阻薰風莫定還家早暮爭

底豪吟鷗邊送目漁父漫相笑

鵲橋仙

王泰樓以小園無楊柳獻朝戲拈此解

脂濃粉澹鶯銜燕翦花信連番不住小園已貯十分春
又何用垂楊一樹消魂亭外灞陵橋畔分贈離人無
數怎如不種短長條免送却陽春歸去

聲聲慢

乙巳冬初赴鄂巖之招曉出斜塘口水驛
霧深舟人迷路茭蘆鳬雁間渺渺兮余懷

也

邨寒驚櫓水晴聞雞布衾徹夜霜巖旭影纔通未消深
霧如烟郵程幾番來慣笑而今莫辨江天江路迥怪楓
荒荻老秋在誰邊舊事萍飄盡也聽琵琶一曲也儘

淒然況有相思那禁觸忤頻年西風錯將愁去轉溪灣
羞對鷓眼須不是爲桃花十里迷住漁船

玉漏遲

與姚芳徵夜話

映賈鐙鬪語因君細寫別離情緒小別經年怪底寂寥
如許憑仗詩腸酒膽破今夜荒寒風雨愁聽取滿林墜
葉遼天哀羽爲慨隙駟消磨算十載青衫有誰憐汝
話到前遊悵望大羅仙序同是天涯淪落又那用琵琶
留住吟對處鄰雞又催清曙

南浦

溪水碧無情趁回潮警把嫣紅流去無計遺芳踪鴛鴦輕

舶等到溪雲深處鴛南鷺北白蘋那管人離緒駐齒橋
頭門巷阻如隔蓬山幾許魂銷百丈游絲悔從前無
力將花黏住重許示歸期章臺柳深怕飄殘風絮年華
暗數消磨琴柱兼箏柱製得合歡宮樣扇題徧斷腸詞

句

解連環

關千

攔春無計問誰堪寄興愁心萬里倩一杆低拓廊腰任
雨雨風風更無迴避直恁玲瓏祇不合教人獨倚算裝
成七寶配取金釵定應十二秦淮畫船慣曠憶亞紅
水榭影到波底趁晚妝齊出簾櫳正鉤月斜窺霧深鬟

膩釗響雙敲想寒壓幾痕玉臂更憐他柳墮花欹半邊
扶起

邁陂塘

去歲冬杪偕朱雨香入都同寓王飲禪處閏一年矣客居無聊將偕雨香南歸先填

此詞寄靜宜四姊

詎閒庭一林黃葉商飈昨夜吹老雲容寂歷移寒影齊
逐南天飛鳥霜信早盼九點家山只許愁先到則悰多
少算白酒尊前青衫燭下相對甚時了書郵便欲寫
終嫌草草宵窗題付吟藁生涯難肋知休戀心字餘香
猶裊鄉夢遙料五夜湘絲着指難成調寄聲冬杪判風
雪征輪關河襆被歸卧故園好

一枝春

甲寅清明日坐家園柳風春水吟船聽雨
用草窓韻偕繡雲兄韞山姊同賦

一碧池塘燕飛來似避梨花春雨芳朝細數只欠踏青
情緒苔姿欲泣怕重憶那人眉嫵憑祝向波面迴風好
把落紅吹聚前遊悄無尋處甚西冷載酒歌殘金縷
簫聲隔巷且與寫成詞譜品泉小集算清事不關天妬
偏又聽林外瀟瀟塔鈴自語

顧蘊

字吳羹號南雅吳縣人嘉慶七年進士授庶吉士

高陽臺

庚申九日游歸田園作

門掩苔深林欹石瘦登臨又是斜陽裙屐招邀重尋徑
草都荒蕪空燕子飛何處漫回頭一例蒼涼恁高城吹

滿西風換了垂楊 繁華駒隙匆匆過想花園酒陣舞
榭歌廊捉筆題糕他時應說清狂生平不解愁何事笑
黃花瘦不成妝奈明年醉把茱萸人隔他鄉

李

福

字備五號子仙吳縣人貢生有拜玉詞

西子妝慢

階下木芙蓉盛開自碧而白而紅朝暮異色余悲秋客之易老也感而賦此

寒色難尋秋光不定亂却愁人醒眼妝成時候下階來
恰亭亭與花相見回闌倚徧早看足三分清豔謾沉吟
歎舞華朝暮香風流轉 芳年短碧水無情照影時時
換紅潮莫認酒痕多是尊前淚痕深淺容銷態減記前
度曾經識面更傷心誤了重來冷燕

如夢令

天上碧雲何處露重涼生白苧今夜幾分秋便有幾分
愁緒人去人去明月一庭蟲語

虞美人

新月

松梢隱約銀鈎挂斜睨鶯鶯瓦修蛾半試筆纖纖便寫
許多愁緒上眉尖如煙似霧渾難辨花影閒階淺問
誰搘破一痕天想有滿腔幽恨未曾填

清平樂

張叔夏候蛩淒斷一闋贈姑蘇陸行直家
妓卿卿作也後二十一年叔夏卿卿俱下

世行直寫碧梧蒼石圖書張詞於卷端同
時和作者不下數十家事載汪珂玉珊瑚
綱嘉慶元年秋八月於顧南雅齋頭得見
是圖展玩久之欣然追步

豔歌唱斷煙水芙蓉岸一片閒情增浩漫付與數行飛
雁誰將舊恨填成卷中不見卿卿六百年來枯樹虛

堂猶作秋聲

高陽臺

三月三日追和玉田春感之作

昨日清明今朝上已勝遊趁着東風綠水人家珠簾卷
起重重滿襲女伴花前拜願年年常似花紅最多情貼
地飛來燕燕雙逢畫船晚向西冷去賸平湖春色都
付詩翁如許風光苦無佳客相從獨懷千古興亡事有
青山倒影波中溯平波一片斜陽幾處疏鐘

浣溪沙

病中東蔚堂孫大

籠船窓聽珠亂跳
病人況對雨瀟瀟不提舊事已魂銷
瘦骨難勝愁萬斛柔情易惹柳千條春風無影那能描

又

白髮新添四五莖舊句青銅無賴忒分明
影兒喚我可憐生 卷盡落花三日雨
判回好夢一聲鶯那教人不賦閒情

又

望裏層層衆綠齊春風也怕子規啼
只須飲到醉如泥 胡蝶不知花事晚
夢回猶繞海棠飛淚珠滴硯寫無

題

臨江仙

夜雨着枝紅濕東風卷地香稠好春無計可攀留桃花
三月浪楊柳幾家樓 心緒百般懊惱情懷一味溫柔
待吟冷句倩誰酬畫梁新舊燕細語淺深愁

又

春色三分澹宕吟魂一餉迷離爐煙裊裊日遲遲落花
飛不遠有恨幾人知 卯酒千鍾醉後丁香百結水
樓空人去燕差池天涯無夢到生悔舊題詩

蝶戀花

淮清橋畔秋光冷一帶疏密半倩垂楊映船過水花漬
不定碧波千折紅欄影昨日莫愁湖上興待擊空明
恨少雙飛艇今夜清歌何處聽滿身涼月三更盡

張

禮

字翼庭青浦人諸生

菩薩蠻

庚庚瘦石穿林表綠楊風裏晴絲裊雁齒小橋橫飛泉
漱玉鳴雲根隨意坐靜督奚僮課側耳笛聲幽夕陽
山外樓

醉公子

清溪一曲

別有青溪路不數秦淮渡十里靄煙邨如雲綠到門

鄉味秋風早蘿菜鱸魚好擰箇橛頭船頭墮影圓

一痕沙

烟韻杳靄

隔水人家何處門外綠楊紅樹遮斷路三義小籬笆
裊裊炊煙茅屋料是香粳初熟荷插一翁歸背斜暉